

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

漢魏六朝百三家集

晉

第四十冊

張孟陽
成公子安

V. 40

鳳公千安集

鳳公千安集凡

東郡成公子安賦心不若左

昭明登文選激揚嗚殺復有

然列於焉融長伯稽康琴賦

成
公
子
安
集

成公子安集題詞

東郡成公子安賦心不若左太沖史
才不若袁彥伯其在晉文苑與庾仲
初曹輔佐兄弟也嘯賦見貴於時梁
昭明登之文選激揚曄緩彷彿有聲
然列於馬融長笛稽康琴賦亦彈而

不成矣賦少深致而序各有思讀諸
賦不如讀其序也樂歌施於廊廟揆
之雅頌不知其中何篇也晉世郊廟
燕射鼓吹舞曲皆有詞其篇章見名
者傅立張華荀勗成公綏曹毗王珣
耳辭每雷同傅稍出羣子安得與茂

先接塵其人幸甚欲如漢郊祀歌之
練時日鼓吹鐃歌之朱鷺則真曠代
矣隸勢善於說字若有宮商綦組亦
陸機文賦之流乎

婁東張溥題

東萊縣志

劉歆文淵之藏平

突隸燒善外翁字恭休官南秦縣丞

縣印日姓太監潘之米黨陳其鄭升

武封聖其人幸甚俗味對於旅想之

晉成公子安集目錄

賦

天地賦
有序

木蘭賦
有序

雲賦

柳賦

琵琶賦

大河賦

琴賦

時雨賦

棄故筆賦有序

芸香賦

烏賦有序

陰霖賦

延賓賦

嘯賦

蜘蛛賦

螳螂賦

洛襖賦

鴻雁賦

有序

鸚鵡賦序

日及賦序

頌

賢明頌

菊頌

銘

椒華銘

蔽髻銘

菊銘

箴

市長箴

誄

魏相國舞陽宣文侯司馬公誄

七

七唱

雜文

隸書體

戒火文

樂歌

晉四廂樂歌

王公上壽酒歌

正旦大會行禮歌

十五章

詩

中宮詩二首

其一

其二

行詩

遊仙詩

附錄

本傳

成公子安集目錄終

晉成公子安集卷全

晉司馬成公綏著

明太倉張溥閱

天地賦有序

賦者貴能分賦物理。敷演無方。天地之盛。可以致思矣。歷觀古人。未之有賦。豈獨以至麗無文。難以辭贊。不然。何其闕哉。遂爲天地賦。

惟自然之初載。兮道虛無而玄清。太素紛以溷淆。兮始有物而混成。何元一之茫昧。兮廓開闢。

而著形、爾乃清濁剖分、玄黃判離、太極既殊、是生兩儀、星辰煥列、日月重規、天動以尊、地靜以卑、昏明迭炤、或盈或虧、陰陽協氣、而代謝、寒暑隨時而推移、三才殊性、五行異位、千變萬化、繁育庶類、授之以形、稟之以氣、色表文采、聲有音律、覆載無方、流形品物、鼓以雷霆、潤以慶雲、八風翱翔、六氣氤氲、蛟行蠕動、方聚類分、鱗殊族別、羽毛以羣、各含精而容冶、咸受範於陶鈞、何滋育之罔極兮、偉造化之至神、若夫懸象成文、

列宿有章、三辰燭曜、五緯重光、河漢委蛇而帶
天、虹蜺偃蹇於昊蒼、望舒弭節於九衢、羲和正
轡於中黃、衆星回而環極、招搖運而指方、白虎
峙據於參井、青龍垂尾於氐房、玄龜匿首於女
虛、朱鳥奮翼於星張、帝皇正坐於紫宮、輔臣列
位於文昌垣、屏駱驛而珠連、三台差池而雁行、
軒轅華布而曲列、攝提鼎峙而相望、若乃徵瑞
表祥、災變呈異、交會薄蝕、抱暈帶珥、流逆犯厯、
譴悟焉事蓬容、著而妖害、生老人形、而主受喜、

天矢黃而國吉祥。彗孛發而世所忌。爾乃旁觀
四極、俯察地理、川瀆浩汗而分流、山嶽磊落而
羅峙、滄海沆漭而四周、懸圃隆崇而特起、昆吾
嘉於南極、燭龍曜於北趾、扶桑高於萬仞、尋木
長於千里、崑崙鎮於陰隅、赤縣據於辰巳、於是
八十一域、區分方別、風乖俗異、險斷阻絕、萬國
羅布、九州竝列、青冀白壤、荆衡塗泥、海岱赤墠、
華梁青黎、兗帶河洛、揚有江淮、辯方正土、經畧
建邦、王圻九服、列國一同、連城比邑、深池高墉、

康衢交路，四達五通。東至暘谷，西極泰濛。南暨
丹炮，北盡空同。遐方外區，絕域殊隣。人首蛇軀，
鳥翼龍身。衣毛被羽，或介或鱗。棲林浮水，若獸
若人。居乎大荒之外，處於巨海之濱。於是六合
混一而同宅，宇宙結體而括囊。元運渾流而無
窮，陰陽循度而率常。回動糾紛而乾乾，天衛不
息而自彊。統羣生而載育，人託命於所繫。尊太
一於上皇，奉萬神於五帝。故萬物之所宗，必敬
天而事地。若乃共工赫怒，天柱摧折。東南俄其

旣傾西北豁而中裂斷鼈足而續毀鍊玉石而
補缺豈斯事之有徵將言者之虛設何陰陽之
難測偉二儀之參濶坤厚惠以載物乾資始而
至大俯盡鑒於有形仰蔽視於所蓋游萬物而
極思故一言於天外

木蘭賦

有序

許昌西園中木蘭樹余往觀之遂爲賦曰

覽衆樹之列植嘉木蘭之殊觀至於玄冥授節

猛寒嚴烈峩峩堅氷霏霏白雪木應霜而枯零

草隨風而摧折、顧青翠之茂葉、繁旖旎之弱條、
諒抗節而矯時、獨滋茂而不雕、

雲賦

於是玄氣仰散、歸雲四旋、水消瓦離、奕奕翩翩、
去則滅軌以無迹、來則幽闇以杳冥、舒則彌綸、
覆四海、卷則消液入無形、或狎獵鱗次、參差交、
錯、上捷業以梁倚、下礪碗而相薄、狀歲鬼其不、
安、吁可畏而欲落、或粲爛綺藻、若畫若規、繁縟、
成文、一續一離、或繡文錦章、依微要妙、緜邈凌、

虛輕翔浮漂

柳賦

宅京宇之西偏。濱犢鼻之清渠。啓橫門於大路。
臨九達之通衢。愍行旅之靡休。樹雙柳於衙隅。
彌年載而成陰。紛憚援而扶踈。

琵琶賦

八音之用。誦於典藝。簫韶九奏。物有容制。惟此
琵琶。興自末世。爾乃託巧班輸。如意橫施。因形
造美。洪殺得宜。柄如翠虬之仰首。盤似靈龜之

觜、嚙、臨、樂、則、齊、州、之、丹、木、柱、則、梁、山、之、象、犀、挽、
以、玳、瑁、格、以、瑤、枝、若、夫、盤、圖、合、靈、太、極、形、也、三、
材、片、合、兩、儀、生、也、分、柱、列、位、歲、數、成、也、回、窓、華、
表、日、月、星、也、

大河賦

覽百川之弘壯兮、莫尚美於黃河、潛崑崙之峻、
極兮、出積石之嵯峨、登龍門而南遊兮、拂華陰、
與曲阿、凌砥柱而激湍兮、踰汭洛而揚波、體委、
蛇於后土兮、配雲漢於穹蒼、貫中夏之幾甸兮、

經朔秋之遐荒、歷二周之北境、於流三晉之南、
鄉秦自西而啓壤、於齊據東而畫疆、殷徒涉而、
永固衛、遷濟而遂、強趙決流而却、魏羸引溝而、
滅梁、思先喆之攸歎、何水患之難量、

琴賦

伯牙彈而駟馬仰秣、子綦揮而玄鶴鳴、清角
發而陽氣亢、白雲奏而風雨零、

時雨賦

兩儀協合、二氣烟煴、洪川起波、名山興雲、

棄故筆賦

有序

治世之功。莫尚於筆。能舉萬物之形。序自然之情。卽聖人之志。非筆不能宣。實天地之偉器也。有倉頡之奇生。列四目而兼明。慕羲氏之畫卦。載萬物於五行。乃發慮於書契。採秋毫之穎芒。加膠漆之綢繆。結三束而五重。建犀角之玄管。屬象齒於纖鋒。染青松之微煙。著不泯之永蹤。則象神仙。人皇九頭。式範羣生。異體怪軀。注玉度於七經。訓河洛之讖緯。書日月之所躔。別列

宿之舍次、乃皆是筆之勛、人日用而不寤、乞盡力於萬機、卒見棄於行路。

芸香賦

美芸香之修絜、稟陰陽之淑精、去原埜之蕪穢、植廣夏之前庭、莖類秋竹、葉象春檉、

烏賦

有序

有孝烏集余之廬、乃喟爾而歎曰、余無仁惠之禎、祥禽曷爲而至哉、夫烏之爲瑞久矣、以其反哺識養、故爲吉鳥、是以周書神其流變、詩人尋

其所集望富者瞻其爰止。愛屋者及其增歎。茲
蓋古人所以爲稱。若乃三足德靈國有道則見
國無術則隱。斯乃鳳鳥之惠。何以加焉。鵬惡鳥
而賈生懼之。烏善禽而吾嘉焉。懼惡而作歌嘉
善而賦之。不亦可乎。

惟玄鳥之令鳥。於性自然之有識。應炎陽之純
精。於體乾剛之至色。望仁里之廻翔。於翮羣鳴
以拊翼。差自託於君子。今心雖邇而不逼。起被
高林。集此叢灌。棲息重陰。列巢布翰。繽紛霧會。

迴星塵亂來若雨集去如雲散哀鳴日久鼓翼
昧旦噫啞相齟音聲可玩嗟斯鳥之克孝兮心
識養而知暮同蓼莪之報惠兮襄凱風之至素
雛旣壯而能飛兮乃銜食而反哺遊朝霞而凌
厲兮飄輕翥於玄冥有崑山之奇類兮體殊形
而玉趾凌西極以翱翔兮爲王母之所使時應
德而來儀兮介帝王之繁祉入中州而武興兮
集林木而軍起能休祥於有周兮矧貞明於吉
土嘉茲鳥之淑良兮永歡樂而靡已

陰霖賦

百川汎濫、潢潦橫流、沈竈生鼃、中庭運舟、

延賓賦

延賓命客、集我友生、高談清晏、講道研精、閭閻
侃侃、娛心肆情、

嘯賦

逸羣公子、體奇好異、傲世忘榮、絕棄人事、希高
慕古、長想遠思、將登箕山、以抗節、浮滄海、以游
志、於是延友生、集同好、精性命之至機、研術意、

之玄奧、愍流俗之未悟、獨超然而先覺、狹世路
之阨、傑仰天衢而高蹈、邈跨俗而遺身、乃慷慨
而長嘯、於時曜靈俄景、流光濛汜、逍遙携手、踟
躕步趾、發妙聲於丹脣、激哀音於皓齒、響抑揚
而潛轉、氣衝鬱而燦起、協黃宮於清角、雜商羽
於流徵、颺游雲於泰清、集長風乎萬里、曲旣終
而響絕、遺餘玩而未已、良自然之至音、非絲竹
之所擬、是故聲不假器、用不借物、近取諸身、役
心御氣、動脣有曲、發口成音、觸類感物、因歌隨

嗟大而不涿，細而不沈，清激切於等笙，優潤和
於瑟琴，玄妙足以通神悟靈，精微足以窮幽測
深，收激楚之哀荒，節北里之奢淫，濟洪災於炎
旱，反亢陽於重陰，唱引萬變，曲用無方，和樂怡
懌，悲傷摧藏，時幽散而將絕，中矯厲而慨慷，徐
婉約而優游，紛繁驚而激揚，情旣思而能反，心
雖哀而不傷，總八音之至龢，固極樂而無荒，若
乃登高臺以臨遠，披文軒而騁望，喟仰抃而抗
首，嘈長引而膠亮，或舒肆而自反，或徘徊而復

放或冉弱而柔撓。或澎湃而奔壯。橫鬱鳴而滔
洄。列繚眺而清昶。逸氣奮湧。繽紛交錯。列列颺
揚。啾啾響作。作胡馬之長嘶。迴寒風乎北朔。又
似鴻雁之將雛。羣鳴號乎沙漠。故能因形創聲。
隨事造曲。應物無窮。機發響速。怫鬱衝流。參譚
雲屬。若離若合。將絕復續。飛廉鼓於幽隧。猛虎
應於中谷。南箕動於窮蒼。清飈振乎喬木。散滯
積而播揚。流埃靄之溷濁。變陰陽之至和。移淫
風之穢俗。若乃游崇岡。陵景山。臨巖側。望流川。

望磐石、漱清泉、藉皋蘭之猗靡、蔭修竹之嬋娟、
乃唵咏而發散、聲絡繹而響連、舒蓄思之悱憤、
奮久結之纏緜、心滌蕩而無累、志離俗而飄然、
若夫假象金革、擬則陶匏、衆聲繁奏、若箴若簫、
礧礧震隱、訇磕礧礧、發徵則隆冬熙蒸、騁羽則
嚴霜夏凋、動商則秋霖春降、奏角則谷風鳴條、
音均不恒、曲無定制、行而不流、止而不滯、隨口
吻而發揚、假芳氣而遠逝、音要妙而流響、聲激
曜而清厲、信自然之極麗、羌殊尤而絕世、越韶

夏與咸池何徒取異乎鄭衛於是縣駒結舌而
喪精王豹杜口而失色虞公輟聲而止歌甯子
歛手而歎息鍾期棄琴而改聽尼父忘味而不
食百獸率舞而抃足鳳皇來儀而拊翼乃知長
嘯之奇妙蓋亦音聲之至極

蜘蛛賦

獨星懸於浮處遂設網於四隅南連大廡北接
華堂左馮廣廈右依高廊吐絲屬絡布網引綱
鍗羅絡莫綺錯交張於是蒼蚊夕起青蠅昏歸

營營群衆，薨薨辭飛，挂翼繞足，韜絲置圍，衝突必獲，犯者無遺。

螳螂賦

仰及茂陰，俯緣條枝，冠角峩峩，足翅岐岐，尋喬木而上綴，從蔓草而下垂，戢翼鷹時，延頸鵠望，推翳徐翹，舉斧高抗，鳥伏虵騰，鶴擊隼放，俯飛蟬而奮猛，臨螭蛄而逞壯，距車輪而軒翥，固齊侯之所尚，乃有翩翩黃雀，舉翮高揮，連翔枝幹，或鳴或飛，覩茲螳螂，將以療饑，厲嘴脅翼，其往

如歸

洛襖賦

考古日簡良辰、祓除解襖、司會洛濱、妖童媛女、
嬉遊河曲、或振纖手、或濯素足、臨清流、坐沙場、
列罍樽、飛羽觴。

鴻雁賦

余嘗遊乎河澤之間、是時鴻雁應節而羣至、望
川以奔集、夫鴻漸著羽儀之歎、小雅作于飛之
歌、斯乃古人所以假象興物、有取其美也、余又

奇其應氣而知時故作斯賦

辰火西流秋風屬起軒翥鼓翼抗志萬里過雲
夢以娛遊投淮湘而中憇晝顧眺以候遠夜警
循而相衛

鸚鵡賦序

鸚鵡小禽也以其能言解意故爲人所愛玩育
之以金籠升之以堂殿可謂珍之矣未得鳥之
性也

日及賦序

日及者華甚鮮茂榮於仲夏訖於孟秋

頌

賢明頌

於鑠姜后、光配周宣、非義不動、非禮不言、晏起
早朝、永巷告愆、王用勤政、萬國以虔、

菊頌

先明有作、詠茲秋菊、綠樹黃花、菲菲或或、芳躅
蘭蕙、茂過松栢、其莖可玩、其葩可服、味之不已、
松喬等福、

成公于岁集

卷全

三

銘

椒華銘

嘉哉芳椒、載繁其實、厥味惟珍、蠲除百疾、肇惟
歲始、月正元日、永介眉壽、以祈初吉、

蔽髻銘

或造茲髻、南金翠翼、明珠星列、繁華致飾、

菊銘

數在三九、時惟斯生、

箴

市長箴

貿遷有無。市朝有處。人以攸貿。貨以攸敘。交易而退。各得其所。曹參相齊。清淨以義。奸不可擾。顧託有寄。市臣掌肆。敢告執事。

誄

魏相國武陽宣文侯司馬公誄

應期降命、篤生我公、九德聿修、百行兼通、文皇
踐位、龍飛天衢、協贊大命、啓迪靈符、光我聖主、
齊德有虞、受茲戒祉、封國建畿、入總納言、敷化
衡機、出登上將、奮武明威、皇輿省方、作鎮于許、
旌旗旣反、撫戎荆楚、巴蜀作寇、侵我邊疆、乃眷
西顧、董統雍京、丹麾所指、莫之敢抗、仁濟宇內、
威攝外荒、流惠零雨、齊美甘棠、加命九錫、尊位

相國比王齊魯以崇殿禮

七

七唱

奮長袖以颺迴、擢纖腰以烟起、鎮抗首而委蛇、
颺頓足而立跼、紛龍轉而鳳翔、忽若倒而中止、

卷全

應以而立

少

雜文

隸書體

御覽作隸勢

皇顓作文。因物構思。觀彼鳥跡。遂以成意。閱之

後嗣。存載道義。

闕四字

綱紀萬事。俗所傳述。實繇

書記。時變巧易。古今各異。蟲篆既繁。草藁近僞。

適之中庸。莫尚于隸。規矩有則。用之簡易。隨便

適宜。亦有弛張。操筆假墨。抵押毫芒。彪煥磔落。

形體抑揚。芬葩連屬。溢分羅行。爛若天文之布。


耀蔚若綿繡之有章。或輕拂徐振。緩案急挑。挽

橫引從。左牽右繞。長波鬱拂。微勢縹緲。二巧難傳。善之者少。應心隱手。必錄意曉。爾乃動纖指。舉弱腕。握素紈。染玄翰。彤管電流。雨下電散。點點駐折。怵。捌挫安案。繽紛駱驛。華藻粲爛。縕細卓犖。一何壯觀。繁縟成文。又何可玩。章周道之郁郁。表唐虞之輝煥。若乃八分璽法。殊好異制。分白賦黑。基布星列。翹首舉尾。直刺邪捌。繾綣結體。剝彩奮節。或若虬龍盤游。蛇蟬軒翥。鸞鳳翺翔。矯翼欲去。或若鷺鳥將擊。并體抑怒。良馬驕

驤。奔放向路。仰而望之。鬱若宵霧朝升。遊烟連
雲。俯而察之。凜若清風厲水。漪瀾成文。垂象表
式。有模有楷。形功難詳。聊舉大體。形管二句一作寶翰電流
形管
雲散

戒火文

余家遭火。屋宇焚盡。器用廓然。乃造于四隣。以
爲戒火文曰。
經籍爲灰。篇章爲炭。



樂歌

晉四廂樂歌

王公上壽酒歌

上壽酒，樂未央。大晉應天慶，皇帝永無疆。

正旦大會行禮歌

十五章

穆穆天子，光臨萬國。多士盈朝，莫非俊德。流化罔極，王猷允塞。嘉會置酒，嘉賓充庭。羽旄曜辰，極鐘鼓，振泰清。百辟朝三朝，或或明儀刑。濟濟鏘鏘，金聲玉振。禮樂具，宴嘉賓。眉壽祚聖皇，景

福惟日新，羣后戾止。有來雍雍，獻酬納贄。崇此
禮容，豐肴萬俎。旨酒千鍾，嘉樂盡宴。樂福祿咸
攸同。

樂哉天下安，甯道化行。風俗清，簫韶作，詠九成。
年豐穰，世泰平，至治哉。樂無窮，元首聰明股肱
忠，澍豐澤，揚清風。

嘉瑞出，靈應彰。麒麟見，鳳凰翔。醴泉湧，流中唐。
嘉禾生，穗盈箱。降繁祉，祚聖皇。承天位，統萬國。
受命應期，授聖德。四世重光，宣開洪業。景克昌。

文欽明德彌彰，肇啓晉邦，流祚無疆。

泰始建元，鳳皇龍興，龍興伊何，享祚萬乘，奄有

八荒，化育黎烝，圖書煥炳。

晉書作
既煥

金石有徵，德

光大道熙隆，被四表格，皇窮奕奕，萬嗣明明，顯
融高朗，令終保茲永祚，與天比崇。

聖皇君四海，順人應天期，三葉合重光，泰始開
洪基，明曜參日月，功光侔四時，宇宙清且泰，黎
庶咸雍熙，善哉雍熙。

惟天降命，翼仁祐聖，於穆三皇，載德彌盛，總齊

璇璣、光統七政、百揆時序、化若神聖、四海同風、
興至仁、濟民育物、擬陶鈞、擬陶鈞、垂惠潤、皇皇
羣賢、戔戔英俊、德化宣芬芳、播來胤、
播來胤、垂後昆、清廟何穆穆、皇極闢四門、皇極
闢四門、萬機無不綜、亶亶翼翼、樂不及荒饑、不
遑食、大禮既行、樂無極、

登崑崙、上層城、乘飛龍、升泰清、冠日月、佩五星、
揚虹蜺、建彗旌、披慶雲、蔭繁榮、覽八極、遊天庭、
順天地、和陰陽、序四時、曜三光、張帝網、正皇綱、

播仁風，流惠康，邁洪化，振靈威，懷萬方，納九夷，
朝閭闔，宴紫微。

建五旗，羅鐘簴，列四縣，奏韶武，鏗金石，揚旌羽，
縱八佾，巴渝舞，詠雅頌，和律呂，于胥樂，樂聖主，
化蕩蕩，清風泄，總英雄，御俊傑，開宇宙，掃四裔，
光緝熙，美聖哲，超百代，揚休烈，流景祚，顯萬世，
皇皇顯祖，翼世佐時，甯濟六合，受命應期，神武
鷹揚，大化咸熙，廓開皇衢，用成帝基，
光光景皇，無競惟烈，匡時拯俗，休功蓋世，宇宙

既康九域有截天命降鑒啓祚明哲
穆穆烈考克明克雋實天生德誕膺靈運肇建
帝業開國有晉載德奕世垂慶洪肩
明明聖帝龍飛在天與靈合契通德幽玄仰化
青雲俯育重淵受靈之祐於萬斯年

詩

中宮詩二首

按樂府載張華晉中宮所歌一首體與此同

其一

殷湯令妃有莘之女、仁教內修、度義以處、清謐後宮、九嬪有序、尹爲媵臣、遂作元輔、周詩逸軌作賢明從

其二

天地不獨立、造化由陰陽、乾坤垂覆載、日月曜重光、治國先家道、立教起閨房、二妃濟有虞、三母隆周王、塗山興大禹、有莘佐成湯、齊晉霸諸

房公于安集 卷全 三
侯皆賴姬與姜、關雎思賢妃、此言安可忘、

行詩

一作云塗
中作

洋洋熊耳流、巍巍伊闕山、高岡碣崔嵬、雙阜夾
長川、素石何磷磷、水禽何翩翩、遠涉許潁路、顧
思邈綿綿、鬱陶懷所親、引領情緬然、

遊仙詩

盛年無幾時、奄忽行欲老、那得赤松子、從學度
世道、西入華陰山、求得神芝草、珠玉猶戴土、何
惜千金寶、但願垂無窮、與君長相保、

本傳

成公綏字子安東郡白馬人也。幼而聰敏博涉經傳性寡欲不營資產家貧歲飢常晏如也。少有俊才詞賦甚麗閑默自守不求聞達時有孝烏每集其廬舍綏謂有反哺之德以爲祥禽乃作賦美之。又以天地之盛古未有賦遂爲天地賦。辭見本集綏雅好音律嘗當暑承風而嘯冷然成曲。因爲嘯賦。見本集張華雅重綏每見其文歎伏以爲絕倫薦之太常徵爲博士厯秘書郎轉丞

遷中書郎每與華受詔竝爲詩賦又與賈充等
參定法律泰始九年卒年四十三所著詩賦雜
筆十餘卷行於世

晉成公子安集終

張孟陽集

張孟陽景陽集

題詞

一

張子孟陽集

張孟陽景陽集題詞

晉代文人有二陸三張之稱三張者
孟陽載景陽協季陽亢也季陽才藻
不逮二昆文不甚顯孟陽濛汜司隸
延譽景陽七命舉世稱工安平棣華
名豈虛得然揆其旨趣語亦猶人不

能不遠慚枚叔近魏平原也劒閣一
銘文章典則礪石蜀山古今榮遇景
陽文稍讓兄而詩獨勁出蓋二張齊
驅詩文之間互有長短若論才家庭
則伯難爲兄仲難爲弟矣二子守道
嫉衆貪位高尚之懷每形詩詠時或

疵其玄之尚白及觀二鳳齊傾金谷
並隕華亭上蔡嗟呼歎晚然後知達
人蚤識長謠二疏高歌招隱所以能
自脫于巫山之火也

婁東張溥題

遊東坡詩

自鄧子巫山之人也

入彘端身端二瓶高烟醉飄飄以論

並湖蓮亭上蔡如子橫陳然舒城臺

無其玄之詩自又歸二風海關全

晉張孟陽集目錄

賦

濛汜池賦

敘行賦

鄴酒賦

扇賦

安石榴賦

論

權論

頌

平吳頌有序

銘

劒閣銘

洪池陂銘

七首銘

詩

登成都白菟樓

贈虞顯度

招隱詩

七哀詩

其一

其二

霖雨

擬四愁詩

其一

其二

其三

其四

述懷詩

失題

又

又

附錄

本傳

張孟陽集目錄終

晉張孟陽集卷全

晉 安平張載 著

明 太倉張溥 閱

賦

濛汜池賦

麗華池之湛澹，開重壤以停源。激通渠於千金，承纏洛之長川。挹洪流之汪濊，包素瀨之寒泉。旣乃井通醴泉，東入紫宮。左面九市，右帶閭風。周墉建乎其表，洋波迴乎其中。幽瀆傍集，潛流

獨注仰承河漢吐納雲霧緣以采石殖以嘉樹
水禽育而萬品珍魚產而無數蒼苔汎濫條修
無幹綠葉覆水玄陰夾岍紅蓮煒而秀出繁葩
赭以煥爛遊龍曜翼而上征翔鳳因儀而下觀
想白日之納光覩洪暉之皓肝於是天子乘玉
輦時遨遊排金門出千秋造綠池鏡清流翳華
蓋以逍遙攬魚釣之所收纖緒挂而鱸鮓來芳
餌沉而鰕鯉浮豐夥踰於巨壑信可樂以忘憂

敘行賦

歲大荒之孟夏，余將往乎蜀都。脂輕車而秣馬，
循路軌以西徂。朝發軔於京寓兮，夕予宿於穀
洛。踐有周之舊墟，陟邱荒以寥廓。讚王孫於北
門，問九鼎於東郭。寔公目之所卜，曷斯水之瀆
薄。入函谷而長驅，厯新安之西阜。行逶迤以登
降，涉二嶠之重阻。經嶽岑之險巖，想姬文之避
雨。出潼關以迴逝，仰華岳之崔嵬。動大禹之疏
導，豁龍門之洞開。舍予車以步趾，玩卉木之璫
錯。翳青青之長松，蔭肅肅之高杪。緣阻岑之絕

崖、蹈、偏、梁、之、懸、閣、石、壁、立、以、切、天、岌、嵒、瑰、其、欲、
落、超、陽、平、而、越、白、水、稍、幽、夢、以、迴、深、乘、重、巒、之、
百、層、轉、木、末、於、九、岑、浮、雲、起、於、轂、下、零、雨、集、於、
麗、林、上、昭、昧、以、青、陽、下、杳、冥、而、晝、陰、聞、山、鳥、之、
晨、鳴、聽、玄、猿、之、夜、唵、雖、處、者、之、所、樂、嗟、寂、寞、而、
愁、予、心、造、劍、閣、之、崇、關、路、盤、曲、以、腌、藹、山、崢、嶸、
以、峻、狹、仰、青、天、其、如、帶、兼、習、坎、之、重、固、形、束、隘、
以、要、害、豈、乾、坤、之、分、域、將、隔、絕、乎、內、外、

鄴酒賦

惟賢聖之興作、貴垂功而不泯、加康狄之先識、
亦應天而順人、擬酒旂於玄鳥、造甘醴以頤神、
雖賢愚之同好、似大化之齊均、物無往而不變、
獨居舊而彌新、經盛衰而無廢、歷百代而作珍、
若乃中山冬啓、醇酎秋發、長安春御、洛浪夏設、
漂蟻萍布、分香酷烈、播殊美於聖載、信人神之
所悅、未聞珍酒、出於湘東、旣丕顯於皇都、乃潛
淪於吳邦、往逢天地之否運、今遭六合之開通、
播殊美于聖代、宣至味而大同、匪徒法用之窮

理信泉壤之所鍾、故其爲酒也、殊功絕倫、三事
旣節、五齊必均、造釀在秋、告成在春、備味滋和、
體色淳清、宜御神志、導氣養形、遣憂消患、適性
順情、言之者加其美、忘味之者棄事忘榮、於是
糾合同好、以遨以遊、嘉賓雲會、矩坐四周、設金
樽於南楹、酌浮觴以施流、備鮮肴以綺進、錯時
膳之珍羞、禮義攸序、是獻是酬、頽頽旣發、溢思
凱休、德音晏晏、弘此徽猷、咸德至以自足、願棲
遲於一邱、於是懽樂旣洽、日薄西隅、主稱湛露

賓歌驪駒僕夫整駕言旋其居乃馮軾以廻軌
騁輕駟於通衢反衡門以隱跡覽前聖之典謨
感夏禹之防微悟儀氏之見疏鑒往事而作戒
罔非酒而惟愆哀秦穆之旣醉殲良人而棄賢
嘉衛武之能悔著屢舞於初筵察成敗於往古
垂將來於茲篇

扇賦

有翔雲之素鳥體自然之至潔飄縞羽於清霄
擬妙姿於白雪俯濯素於河漢仰晞光於日月

雙趾蹶而騰虛，六翮揮而風厲。於是傲世公子，
俶儻踔躒，遺物獨出。樂此天爵，飛蒲氏之修蟠。
縈子余之纖繳，弋翔冥之鵠雞。連王子之白鶴，
裁輕翼以爲扇，發清風於勁翮。若乃搜奇選妙，
絕色寡雙。鵠質皦鮮，玄的點鋒。修短雖異，而光
彩齊同。故易稱可以爲儀，詩美肅肅之容。是以
停之如栖鵠，揮之如驚鴻。飄纓旌於軒幌，發暉
曜於羣龍。夫裂素製圓，剖竹爲方。五明起於名
都，九華興於上京。

安石榴賦

有石榴之奇樹，肇結根於西海。仰青春以啓萌，
晞希夏以發采。輝光垂綠，擢幹曜鮮。煥若羣翡，
俱栖爛若百枝。並然煥乎郁郁，焜乎煌煌。仰映
清霄，俯燭蘭堂。似西極之若木，譬東谷之扶桑。
於是天廻節移，龍火西夕。流風晨激，行露朝白。
紫房旣熟，頰膚自坼。剖之則珠散，含之則冰釋。

論

權論

夫賢人君子將立天下之功、成天下之名、非遇其時、曷由致之哉、故嘗試論之、殷湯無鳴條之事、則伊尹有莘之匹夫也、周武無牧野之陣、則呂牙渭濱之釣翁也、若茲之類、不可勝紀、蓋聲發響應、形動影從、時平則才伏、世亂則才用、豈不信歟、設使秦、莽、脩、三王之法、時致隆平、則漢祖、泗上之健吏、光武、春陵之俠客耳、况乎附麗

者哉。故當其有事也，則足非千里，不入於輿，刃
非斬鴻，不韜於鞘。是以驚蹇望風而退，頑鈍未
試而廢。及其無事也，則牛驥共牢，利鈍齊列。而
無長塗犀革以決之。此離朱與瞽者同眼之說
也。處守平之世，而欲建殊常之勳。居太平之際，
而吐違俗之謀。此猶却步而登山，鬻章甫於越
也。漢文帝見李廣而歎曰：惜子不遇，當高祖時，
萬戶侯豈足道哉！故智無所運，其籌勇無所奮，
其氣則勇怯一也，才無所騁，其能辨無所展，其

說則頑慧均也是以吳榜越船不能無水而浮
青虬赤螭不能無雲而飛故和璧之在荆山隋
珠之潛重川非遇其人焉有連城之價照車之
名乎青骹繁霜繫於籠中何以效其撮東郭於
韝下也白猿立豹藏於靈檻何以知其接垂條
於千仞也孱夫與烏獲訟力非龍文赤鼎無以
明之蓋聶政與荆卿爭勇非强秦之威孰能辨
之故餓夫庸隸抱關屠釣之倫一旦而都卿相
之位建金石之號者或有懷顏孟之術抱伊管

之略、沒世而不齒者、此言有事之世、易爲功、無爲之時、難爲名也。若使湮滅而不稱、曾不足以多談。况夫庸庸之徒、少有不得意者、則自以爲枉伏。莫不飾小辨、立小善、以偶時。結朋黨、聚虛譽、以驅俗。進之無補於時、退之無損於化。而世主相與雷同齊口。吹而煦之。豈不哀哉。今士循常循故、規行矩步、積階級、累閥閱、碌碌然以取世資。若夫魁梧儔傑、卓犖倣儻之徒、直將伏死嶽岑之下、安能與步驟共爭道里乎。至如軒冕

黻班之士。苟不能匡化輔政。佐時益世。而徒俯仰取容。要榮求利。厚自封之資。豐私家之積。此沐猴而冠耳。尚焉足道哉。



神聖無匹其功高五岳

神聖無匹其功高五岳

神聖無匹其功高五岳

頌

平吳頌

并序

聞之前志。堯有丹水之陣。舜有三苗之誅。此聖
帝明王。平暴靜亂。未有不用兵而制之也。夫太
上成功。非頌不顯。情動於中。非言不彰。獫狁旣
攘。出軍以興。淮夷旣平。江漢用作。斯故先典之
明志。不刊之美事。烏可闕歟。遂作頌曰。

上哉仁聖。曰惟皇晉。光澤四表。繼天垂胤。帝道
煥於唐堯。義聲邈乎虞舜。蠢爾鯨吳。憑山阻水。

肆虐播毒而作豺虺菁茅闕而不貢越裳替其
白雉正九伐之明典申號令之舊章布亘地之
長羅振天網之修綱制征期於一朝並箕驅而
幕張爾乃援丹陽之峻壁屠西陵之高壙日不
移晷羣醜率從望會稽而振鐸臨吳地而奮旅
衆軍競趣烽戍具舉挫其輕銳走其守禦

銘

劒閣銘

巖巖梁山，積石峨峨。遠屬荆衡，近綴岷嶓。南通
邛僰，北達褒斜。狹過彭碣，高踰嵩華。惟蜀之門，
作固作鎮。是曰劒閣，壁立千仞。窮地之險，極路
之峻。世濁則逆，道清斯順。閉由往漢，開自有晉。
秦得百二，并吞諸侯。齊得十二，田生獻籌。矧茲
狹隘，土之外區。一人荷戟，萬夫趨趨。形勝之地，
非親勿居。昔在武侯，中流而喜。山河之固，見屈

吳起興實在德險亦難恃洞庭孟門二國不祀
自古迄今天命匪易憑阻作昏鮮不敗績公孫
旣滅劉氏銜璧覆車之軌無或重跡勒銘山阿
敢告梁益

洪池陂銘

開源東注出自城池魚鱉熾殖水鳥盈涯菱藕
狎獮杭稻連畦漸臺中起列館參差惟水泱泱
厥大難訾

七首銘

先民造制戒豫惟詳七首之設應速用近旣不
忽備亦無輕忿利以形彰功以道隱

張孟陽集

卷全

詩

登成都白菟樓

重城結曲阿，飛宇起層樓。區一作累棟出雲表，

巖臨太虛高。軒啓朱扉迴，望暢八隅西。瞻岷山
嶺，嗟峨似荆巫。蹲鴟蔽地生，原隰殖嘉蔬。雖遇
堯湯世，民食恆有餘。鬱鬱少城中，岌岌百族居。
街術紛綺錯，高甍夾長衢。借問楊子宅，想見長
卿廬。程卓累千金，驕侈擬五侯。門有連騎客，翠
帶腰吳鉤。鼎食隨時進，百和妙且殊。披林採秋

橘、臨江釣春魚、黑子過龍醢、果饌踰蟹、蛋芳茶、冠六清、溢味播九區、人生苟安樂、茲土聊可娛、

贈虞顯度

疇昔協蘭芳、繾綣在華年、嘉好結平素、分著寮友前、謂得終遐日、綢繆永周旋、吾子遭不造、邁閔丁憂艱、俾我失良朋、誰與吐語言、一日爲三秋、歲况乃三年、離居一何濶、結思如迴川、

招隱詩

出處雖殊塗、居然有輕易、山林無悔恡、人間實

多累鵷雛翔窮冥、蒲且不能視、鸛鷺遵皋渚、數
爲矰所繫、隱顯雖在心、彼我共一地、不見巫山
火、芝艾豈相離、去來捐時俗、超然辭世偽、得意
在上中、安事愚與智、

七哀詩二首

北芒

一作邙

何壘壘、高陵有四五、借問誰家墳、皆

云漢世主、恭文遙相望、原陵鬱膃膃、季世

一作葉

喪亂起、賊盜如豺虎、毀壤過一抔、便房啓幽戶、

珠柙

一作匣

離玉體、珍寶見剽虜、園寢化爲墟、周

墉無遺堵、蒙龍荆棘生、蹊逕登童豎、狐兔窟其中、
蕪穢不復埽、頽隴並墾發、萌隸營農圃、昔爲萬乘君、
今爲丘中士、感彼雍門言、悽愴哀今古、
一作

其二

秋風吐商氣、蕭瑟掃前林、陽鳥一作鳥收和響、寒蟬無餘音、
白露中朝一作朝夜結、木落柯條森、朱光馳北陸、浮景忽西沉、
顧望無所見、唯覩松栢陰、蕭蕭高桐枝、翩翩棲孤禽、
仰聽離鴻鳴、俯聞蜻

蜩吟哀人易感傷、觸物增悲心、邱隴日已遠、
綿彌思深憂來令髮白、誰云愁可任、裒徊向長
風、淚下沾衣襟、

霖雨

霖雨餘旬朔、濛昧日夜墜、何以解愁懷、置酒招
親類、啾啾絲竹作、伶人奏奇秘、悲歌結流風、逸
響迴秋氣、

擬四愁詩四首

我所思兮在南巢、欲往從之巫山高、登崖遠望

涕泗交我之懷矣心傷勞佳人遺我笥中布何
以贈之流黃素願因飄風超遠路終然莫致增
永慕

其二

我所思兮在朔涓欲往來之白雪飛登崖遠望

涕泗頽

一作垂

我之懷矣心傷悲佳人遺我雲中

翮何以報之連城璧願因歸鴻超遐翮終然莫
致增永積

其三

我所思兮在隴原，欲往從之隔太山。登崖遠望涕泗漣，我之懷矣心傷煩。佳人遺我雙角端，何以贈之雕玉環。願因行雲超重巒，終然莫致增永嘆。

其四

我所思兮在營州，欲往從之路阻修。登崖遠望涕泗流，我之懷矣心傷憂。佳人遺我綠綺琴，何以贈之雙南金。願因流波超重深，終然莫致增永吟。

述懷詩

跋跡山川千里告辭、楊子哭岐、墨氏感絲、雲乖
雨絕、心乎愴而、

失題

江南郡蔗釀液豐沛、三巴黃甘、厥州素柰、凡此
素品、殊美絕快、渴者所思、銘之常帶、

同前

白日隨天迴、噉噉圓如規、踊躍湯谷中、上登扶
桑枝、

同前

氣力漸哀損、髣髴終以皓、昔爲春月華、今爲秋
日草、

本傳

張載字孟陽，安平人也。父收，蜀郡太守。載性閑雅，博學有文章。太康初，至蜀省父。道經劔閣，載以蜀人恃險好亂，因著銘以作誠。本文見益州刺史張敏見而奇之，乃表上其文。武帝遣使鑄之於劔閣山焉。載又爲權論。見本集載又爲濛汜賦。司隸校尉傅玄見而嗟嘆，以車迎之，言談盡日，爲之延譽，遂知名。起家佐著作郎，轉太子中舍人，遷安樂相，弘農太守，長沙王義請爲記室督。

拜中書侍郎復領著作載見世方亂無復進仕
意遂稱疾篤告歸卒于家

同精於經學立見而致勉以車馬之言結蓋且

然險閣山語薄文為辭館其薄文為辭館其


史題越見而奇之六素土其文先帝書與謙之

以怪人朴劍我將因著論以朴越本集益休陳

銀軒學市文章太東王王晉公父並孫瞻園連

知建寧孟陽安平人也父仲孫太中諱封開

張孟陽集卷全終



26